

IN LIEFDEVOLLE HERINNERING

RUAN POTGIETER



1 JANUARIE 2004 - 24 AUGUSTUS 2025

In Liefdevolle Herinnering Van Ruan Potgieter

Met Hartseer en dankbaarheid word die lewe van ons geliefde
Ruan Potgieter gedenk.
Die diens van herinnering en troos word gelei deur:

Ds. Nico Swart
(APKERK-verbond)

Vind plaas in die rustige omgewing van die
Middelburg-Wes Ou Begraafplaas Kapel

“Ek is die opstanding en die lewe; wie in My glo sal lewe, al het
hy ook gesterf.”
— Johannes 11:25

Draers:

Frank Potgieter (Pa) – By Kerk
Stanley Marcus (Stiefpas) – By Kerk en Graf
Jacques Potgieter (Oom) – By Kerk en Graf
JR Hamman (Oom) - By Kerk en Graf
Quintin White (Vriend) – By Kerk en Graf
Juan Loock (Vriend) – By Kerk en Graf
Rikus Rudolf (Vriend) – By Graf (Staan in vir Pa)

Die familie van Ruan Potgieter betuig hul opregte dank aan:

- AVBOB Begrafnisdienste vir hulle sorg en bystand.
- Ds. Nico Swart vir die leiding van die diens en woorde van troos.
- Die personeel van Wilgers Hospitaal vir hulle mediese sorg en ondersteuning.
- Familie en vriende vir hul liefde, gebede en ondersteuning in hierdie moeilike tyd.



'n Gedig Aan Ruan Potgieter

“Ons kom en ons gaan
soos water uit die kraan
soos klanke uit die mond
Soos ons kom en ons gaan.
Ons bene sal die vryheid ken”

Geleen is ons hier
vir 'n tyd van plesier
vir 'n tyd van geluk.
Soms ook van korte duur.

Afhangend van die wind
wat soms woes waai en verslind,
koel dit ook af
Om rus en vrede te vind.

Ons treur nie, maar is bly,
want nog 'n kind het die ewige lewe gekry.

'n Seun, 'n broer, 'n neef en kleinkind
het nou die weg en waarheid gevind,
want sonder waarskuwing is dit Hy wat besluit
Jy het ervaar wat jy moes en dit is nou tyd

So staan op saam met my
met albei hande in die lug
en bedank ons Vader
vir die plek waar hy nou is

En kom ons jubel
En kom ons juig
vir Ruan se prys

Nie 'n trofee of medalje om die nek nie,
maar 'n plek langs 'n mooi hout kruis.

-Juan: (Vriend)





Oriene aan Ruan

Freek & Susan: (Pa en Stiefma)

Ruan “Seun”, of soos Pappa jou altyd genoem het: “My ou grote”
Hoe dikwels bring die lewe dinge oor ons pad wat ons bang en onseker maak... Soos ’n dokter se oproep wat jou koud laat as hy sê: “Jammer, Mnr. Potgieter, maar jou seun is nie meer met ons nie.”

Ons weet nie waar om te begin nie, want die seer en die onwerklikheid van jou skielike afsterwe lê só diep, my kind. Die leemte wat jy agterlaat is groot en woorde kan nie beskryf hoe gebroke ons harte is nie. Dis seer, Here! Ons harte skree uit en die vrae kom: Waarom?

Hoekom, Here? Hy was net 21, en ons het soveel drome vir hom gehad.

Maar ons weet ook: God het ’n plan wat ons nie altyd verstaan nie. Die Here is almagtig en wys, en Hy weet wat Hy doen. Soos die Woord sê: “Baie is die planne in die hart van ’n mens, maar die Here bepaal jou pad.”

Ons berus daarin dat jy nou by jou Vader se huis is, waar jy ’n nuwe liggaam sal kry, en waar daar geen pyn of hartseer meer is nie. Ons weet: ons sal jou weer sien in die hemel.
Seuna, jou stem is nou stil... maar elke herinnering wat ons saam met jou het, sal ons koester, want dit is kosbaar. Met soveel liefde. -Pappa en Tannie Susan

Sonya & Stanley: (Ma en Stiefpa)

Psalm 23:4. Our dearest Ruantjie, we are writing this farewell with disbelief... This is not true. The hours, days and years to come will be so much emptier without you to share it with. We cannot imagine life without you. You are our “gentle giant”, the biggest man with the biggest heart. God blessed us all with you, even though it was only for a blink of an eye.

“Mamma: I love you to the moon and back.

Ruantjie: I love you more.

Mamma: I love you most.”

Ruantjie seun, just know how much you are loved and missed.

Ouma:

Wees nie bevrees nie, want ek het Ruan verlos. Ek het Ruan by sy naam geroep. Ruan jy is myne.

My liefste Ruan, Ouma se hart is in duisende stukke. Jy was ouma se gentle giant. Ouma is bitterlik lief vir jou. Ek bêre dit nog steeds in my gebroke hart. Jy was so liefdevolle, sagste omgee mens. Die wêreld is armer sonder jou. Rus sag by Jesus. Love you always.



Leandri: (Sussie)

My Broer, weg uit my sig maar nie uit my hart se diepste greep nie. Jou lag, die lig herinnering, 'n storie om te ontvou. Al mag tranen vloeи en val, jou gees, dapper en vry, herinner my deur dit alles.

Jy is altyd hier by my, al ons herinneringe sal vir altyd in 'n raam gestoor word in my hart.
Ek sal jou altyd lief hê.

Vlieg hoog Broer en gaan sprei jou vlerke, lovies your Sista.

Sonica: (Sussie)

Ruan jou lag en jou mooi geaardheid gaan gemis word, die manier hoe jy altyd liefde gegee het, sonder groot woorde, maar met 'n oop hart. Ek sal die dae onthou by die see, jou verjaarsdag, die fees, klein oomblikke wat nou groot herinneringe is. Jy was my broer, my vriend, 'n mens met 'n sagtheid wat skaars gevind word. Jou plek in my lewe is leeg, maar jou afdruk bly vir altyd. Al sê ek totsiens met tranen, weet ek: ons liefde hou aan, oor grense van tyd en aarde – tot ons weer ontmoet.

Linda: (Tannie)

Liewe Ruan, daar sal altyd 'n baie spesiale plek in my hart wees vir jou. Jy was n sonskystraal oral waar jy gegaan het en baie geliefd. Ons mis jou klaar so baie. Rus sag. Love you always, Lala.

Matteus 5:5 "Geseënd is die sagmoediges, want hulle sal die nuwe aarde ontvang."

Renê: (Tannie)

Liefste Ruan, jou tyd op aarde saam ons was so kort, maar die tye saam jou was mooi en kosbaar. Jy was 'n pragtige mens van binne en buite en dit was n voorreg om so 'n amazing en liefdevolle mens in my lewe te kon hê. Rus sag Ruan, al my liefde Renê (Gorgeous).

Ek dra aan jou op 2 Cor. 5:17

JR: (Oom)

Ruan ou seun, ek het nie woorde nie. Weet net ek het jou baie lief en dat jy nou sag moet rus by on Liewe Vader.

Psalm 16:10-11.

10 because you will not abandon me to the realm of the dead, nor will you let your faithful one see decay. 11 You make known to me the path of life; you will fill me with joy in your presence, with eternal pleasures at your right hand. Michtam of David





Die regverdige kom om en daar is niemand wat dit ter harte neem nie
en die toegewydes word weggevat terwyl niemand verstaan nie, want
die regverdige word weggevat van die boosheid,
hy gaan in vrede in; wie in Sy opregte pad loop, hulle rus in hulle
beddens.

Jesaja 57: 1-2

Dankie